



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 8. Ad fundandam Paraquariensem proficiscitur.

urn:nbn:de:hbz:466:1-38528

Duas Socie-
tates sedes
erigit.

CAPUT
VII.
Quintæsem
Provinciam
fundat.

CAPUT
VIII.
Ad fundan-
dam Para-
quariensem
Provinciam
profici-
tur.

Socios plau-
egregios ac-
cepit.

Lam Perua-
na e locum-
cia.

jam facientem tardius advexit; quo factum, ut ipse, socio cum omnibus rebus in sequentis anni navigationem Gadibus detento, inanis in Peruviam renavigaret; adeo immoto ad hæc animo, ac si negotium nihil ad se pertineret. In Indiam appulsus, Claudii Aquavivæ jussu, in nova Carthagine Societatis domum, præposito ei Michaële Perlino, erexit: Sanctæ Fidei Novogranatenis regni Metropolim, missò cum quatuor Sociis Anthonio Funes, domicilio occupavit.

Ductis Limam subsidiariis Sociis, & Peruviæ Provinciali traditis, ad Qui- tensem Provinciam fundandam amislus, omnia in proclivi habuit. Qui- tensse Collegium, aliarum sedium caput, inductâ studiorum ratione, constituit: in Bogotensi Sanctæ Fidei urbe Partheniam Sodalitatem nobilium vitorum, ipso Joanne Borgiâ, Sancti Francisci Borgiæ nepote, & regni Præfecto protectore, erexit. Seminari adolescentum, Bartholomæo Lupo Guerrero admittente, fundati, curam, Societatis nomine, suscepit. Monasterium Theresianis Monialibus erigi curavit. Indos, lingua Hispanicâ doceri solitos, procuratâ Catecheseos versione, vernaculo idiomate imposterum instrui fecit. Concilium Provinciale authoritate & consilio magnopere juvit. In reliqua Provincia regenda, stabilen- daque, quid pro Æthiopum, Indorum, ac Hispanorum emolumento, quid pro ornanda Societate nostra, quid pro augendo Summi Numinis cultu patrârit, quæ pericula terrâ marique adierit, quas Ethnicorum regiones per se, aut per Socios in Panamensi, Carthaginensi, Novogranateni & Quiensis, latissimis regionibus, ad Christi partes sollicitarît, alii pro dignitate (nam alterius molis opus est) narrabunt: mihi certè tam latè excurrere, & res propè immensas fusè describere, pro instituto non licet, nec per malignam synopsim corrumpere lubet.

BIENNIO in fundatione Quiensis Vice-provincie exacto, litteræ Claudii Aquavivæ allatae sunt, quibus ex præterita designatione Didacus Torres ad Paraquariensem Provinciam fundandam properare jubebatur. E Quiensi regno Limam appulsus, ab Peruano Provinciali quindecim Socios ex decreto Generalis Aquavivæ accepit, inter quos eminente Franciscus Vasquius, magni Gabrieli Vasquii non indignus nepos. Joannes Pastor, & Joannes Baptista Ferrusinus, Provinciales quandam mei. Anthonius verò Ruius, & Melchior Vanegas in India nati, famâ Sanctitatis, Horatius Bechius Senensis, Petrusque Romerus Hispaniensis, adeptâ gloriose necis laurâ claruère: nec laude sua Joannes Fontius, Ludovicus Leiva, Marcus Anthonius, & Didacus Gonsalvus Holguinus novi Provincialis socius, caruère. Adeo ut satis appareret Peruviam Provinciam affectu materno in Paraquariam fuisse, quæ non nescia filia gloriam in matrem redundare, novellam Provinciam, tanquam filiam, ægrè abs se avulsam tantorum viro- rum dote emanciparet. Non defuit selectissimo duodecim Apostolicorum Sacerdotum numero suus Judas, quo reliqui in officio, terrore tanquam fræno, conti- nerentur. Ceterum Paraquariensis novella Provincia, & Claudio Aquaviva patre, & Peruana Provinciâ matre progenitam, se non minus gloriabitur, quam qui natales suos ad illustrissimos progenitores referunt: nam ut de Claudio Aquaviva, utriusque Orbi noto, taceam: Peruana Provincia per Australem Americanam pœnè totam propaginibus inclita, numero viorum illustrium, facinorum magnitudine, scientiarum multiplicitate, Fidei dilatatione, templorum magnificentia ac ornato, tractandorum animorum gubernandique peritiâ, laborum ac infesta- tionum tolerantiâ, tantam sibi claritudinem indepta est, quantam Hieronymus Portillus, Josephus Acosta, Baltazar Pinna, Joannes Plaza, Joannes Sebastianus Patricius, Didacus Martines, Josephus Ariaga, Alvarez de Paz, Nicolaus Ma- strillus, Durandus, Lyra, Menachus, Perlini, Pennafieles, & alii ejusdem notæ viri omni laudum genere, abundè ei pepererunt: & adhuc in posteris antiqua virtus viget, nulla in re Majorum famâ inferior, pergitque, ut hactenus optima- mater consilio, patrocinio, autoritate charissimam filiam juvare; ac vicissim filia obsequio, amore, laude amantissimam matrem prosequitur: adeo ut mutuis

officiis

officiis utraque contra obtrectatorum vim, cæterasque dæmonis insidias inconclusa firmaque permaneat. Designatos Socios Didacus Torres appositâ oratione atque exemplo suo, ut se Divi Ignatii Exercitiis, & totius vita noxarum expiatione, ad arduam expeditionem procurarent, permovit. Curatis animis, de tot Sociorum ad iter quingentarum leucarum viatico sollicito, Ferdinandus Arias Senator Lima Regius significavit, in Senatus tabulario assertvari Philippi Tertii Regis Catholici recentissimas ad Proregem litteras, quibus jubebat duodecim Franciscanos Fratres, aut totidem Iesu Socios suis sumptibus in Paraquariam è Peruvia mitti: quarum litterarum vi, Franciscanis paucitatem suam excusantibus, Senatores Regii novo Provinciali, & Sociis terrâ marique profecturis, de navigio, de jumentis, de pecunia, de vestibus, & cæteris viæ levamentis, Regis nomine, liberaliter providerunt. Medium Sociorum partem Didacus Torres Didaco Gonsalvo Holguino, socio suo, mari in Chilenum regnum ducendos tradidit: ipse terrestri itinere cum cæteris progressus Cusci Julide, & Potosi, in quibus locis Rectorem egerat, obviam subinde ad viginti triginta leucas populis prodéuntibus liberaliter exceptus est. Chuquilacæ Sociis adhæsit Joannes Salas, bona spei juvenis, qui periculoso in torrentem casu, & morbo recenti ad mundi fallacis spes deserendas, ac religiosum Ordinem incundum, ab Deo vocatus, cum non satis apud se statueret quem demum iniret, scriptis variarum Religionum nominibus (non imitabili exemplo) fortiri voluit; & quia tribus continuis vicibus in scheda Societatis Iesu nomen ex urna eduxisset, in ea felici sorte multorum Barbarorum bono adscribi meruit.

DIDACUS Torres Chuquisacâ iter prosequutus, superatis ægrè Peruvia monitosis finibus, Omaguacarum populos, Sociorum laboribus claros, partim ad capessendam, partim ad retinendam fidem, Aimarrâ lingua utens, animavit. Cucuisense, primum Tucumanæ oppidum, sub finem anni millesimi sexcentesimi septimi, cùm feliciter tenuisset, Cucuenses cives, templum ac Domum Societati condere paratos, ne pauculas copiolas in aditu Provinciæ distraheret, spe aluit, futurum ut crescentibus rebus, eorum votis fieret satis. Idem cum Saltenisibus Hispanis in transitu sposondisset, tandem mense Decembri Tucumanæ metropolim, magnâ Ferdinandi Treci Episcopi, Alfonsi Riberæ Prætoris, & Hispanorum Indorumque gratulatione invectus est. Episcopi manum de genibus osculatus, summa modestia ac gravitate verborum, suam & Sociorum operam dedicans, ostendit se nihil magis avere, quâp si obsequientissimi filii optimus pater difficiłima quæque pro animarum bono imperaret; aiens, cā de causâ se & Socios à Præposito Generali Aquavivâ, Tucumanæ & Paraquariæ magistratum postulatu, mislos, ut Societatis more, quantum viribus humanis cum Dei gratia possent, nulli Ordini decessent. Episcopus summopere delectatus tanti virti in se observantia, ad frequissimam concionem in templo è sede Pontificali coram Patribus talem habuit orationem. Inexplicabili, inquit, pñè letitâ gestio pro adventu tantorum virorum in subisdium nostræ Reipublica colitus concessorum: quod beneficium, ut vos estimetis magis, o Cives, per consecrationem meam Episcopalem sanctè affirmo juroq., sine Societatis auxilio videri mibi, nec officio Pastorali, nec conscientie mea posse satisfacere. Superioribus annis, quando de pauculis Sociis in Peruviam retrahendis agebatur, tristitia oppressus decreveram dignitati mea nuncium remittere, ne certum aeterna Salutis, si talibus adjutoribus prevaver, disirimen adirem. At jam tristitia mea versa est in gaudium, dum, Te, Reverende Admodum Pater Didace Torres Provincialis dignissime, & vos Patres Reverendi, nove Provincia fundatores meritissimi, ante oculos meos video. Quanta vero sit cordis mei letitia, ex dictis, nifallor, cognoscitis, factisq., luculentius cognosceritis, si profundandis novis Collegiis, satis mihi in presentiarum facultatis esset. Quid in me est faciam, ut nec Patrocinium meum, nec quidquid in mea potestate fuerit, o Patres, aliquando desideretis. Ceterum, multum colendi cives, utimini dono celitus dato, & mecum gratias date Omnipotenti Deo, quod tales curæ Pastoralis adjutores advenierint, per quos salubri vos pascamini, & innumeræ oves, per immensa propæ loca errantes, in ovile Christi cum hujus

Primi Socii
Regis Catho-
lici sumpti-
bus in Pro-
vinciam
pergunt.

Joannis Sa-
le ad Soci-
tatem voca-
tio.

CAPUT
IX.
Didacus
Torres So-
ciis in no-
va Pro-
vinciam in-
ducit.

Cucuenses
& Saltenes
Societatis se-
dem petunt.

Didacus
Torres &
socii Tucu-
mania me-
tropolim in-
greduntur.

Episcopi ad
eos oratio.